

史部・傳記類

國朝內閣名臣事

略・皇明輔世編

北京圖書館古籍珍本叢刊

15

書目文獻出版社

北京圖書館古籍珍本叢刊
史部·傳記類 15

國朝內閣名臣事

略·皇明輔世編

編者 北京圖書館古籍出版編輯組
出版 書目文獻出版社

(北京天津街七號)

印刷 北京藍空印刷廠

定價·壹佰壹拾玖圓

ISBN 7-5013-0333-7/Z·104

目 錄

國朝內閣名臣事略十六卷 一

皇明輔世編六卷 六〇三

內閣名臣事略小敘

國朝內閣諸公委佩承休毗
輔在宥率皆儲之秘府積有
歲時而後踐三事秉國成以
故建監焜煌直與丙魏姚宋
爭烈馳景仰高不佞私心嚮
往夙矣頃受疆事開府郢都
部署之暇肱篋出書則名臣
事略在焉予同籍福生吳公
之所裒輯也福生直節忤逆

璫雄才定亂兵而以文章為
一世雄伯其望古遙集及內
閣事蓋貴為天子而相者允
釐百工固經緯三辰苞舉八
極以成天地之文者也故撮
其行實錄其奏章采其軍國
大計若移書若樹議蔚然一
家之言可使天下萬世共見
共聞天下萬世之相道若日
月經天而不墜也試展而閱

之或輔導宸扆或康濟生靈
或調停於宮壺之幽或籌畫
于邊陲之邈或以廩廩恪職
或以休休容賢或以謹厚和
衷或以剛方率物道不嫌異

序

三

要之匡時術不蘄同要之拯
世種種妙用動協機宜豈曲
學迂儒拘攣齷齪者所能髣
髴其萬一耶漫為卒業忻然
有會於心爰命剖氏板而傳

之與當世共噫諸公咸瑰瑋
卓犖弼明聖而展布其經綸
夫非當局之般倅乎今其規
萬準繩遺摹具在繼起而代
斲者第脩其成法稍神化之

序



四

何有於論道沃心見諸行事
非徒托諸空言是在師天老
友地典者矣至其闡抉精微
名曰小識則福生所寄想於
都兪吁咈而曰爾無面從退

有後言之忠告又自任以直
不浮公不黨若揭君相於日
月而垂憲萬世者也

崇禎壬申夏四月

沁州魏光緒元白父謹撰



上元丘義民書

宣城李尚仁梓

內閣名臣事畧小識

吳伯與具

集稱內閣事畧專相業也相業在變理在論思
變理而繩規論思而機務非公孤論道之寄矣
況集權而亡所寄裁又鈞奇取徑也營營稱相
也何爲是集業有專重故有特畧畧遷轉不關
官乘也畧始末不關歲紀也畧心術不關品格
也畧褒誦不關譏述也畧偶相不關往蹟也然
不詳譜乘而台鼎清華之地無嫌溢稱不拘品
格而專寵寵利之尤殊難穢集不取虛褒而就
議論爲叙事無妨因文綴實若偶相之陳文端
趙文肅雖或四年一年調劑已宏敘矣嚴文靖
馬文莊一爲佳吏部一爲賢宗伯薛文清丘文
莊一爲本朝正學一爲當代通儒歷相固淺嚼
齏自在矣蔣全州沒久定謚毛掖縣有謚稱簡
猶庶幾禮義以退者岳文肅若近於慧梁文康
竟趨於癡猶庶幾捏德不浮者李文康居然長
厚李文定敏於知止猶庶幾康莊自御者劉文
靖不附劉瑾焦芳聽勒致仕謝文正爲劉瑾切

齒潰危自若皆庶幾守正不黷者張文毅涿煩
除蠹余文敏竭力擔任呂文安興革多便於民
皆庶幾服習調良者近如申文定節奏端詳許
文穆規萬委合王文端勛正樸雅王文肅凜厲
沉宕四公於定策建儲逆舉順翔九萬里同也
文肅之陳情更苦文端之力持獨豫矣此皆收
入之大畧也乃其間有業最著者業相埒者業
有咎有譽者格心無本業能應變者休容無度
業能蕩滌者剛愎其中業成小有才者申商其
習業稱功等罪者於此而櫟括焉則若文貞雅
正文敏鍊達文定敦謹三楊言言如矣文貞爽
塏必當大體功尤斬焉李文達調伏曹石終正
國本讒譌不行商文毅處示壽昭德兩宮間危
言撤汪直西廠不復存仁二公皆以骨勝乎而
李文正見畏劉瑾周旋康陵保護善類亦權不
離正者也王文恪開悟劉瑾卒行所言至陰伺
不得其間又純乎正而未終於用者也楊文忠
不草威武敕承制專斷者二十七日駕抑奸雄

以得不死據理正言於世廟絕無暖渥也當時收渙爲萃誰之力耶徐文貞盡反高政嚴杜筐篚陰劑於世廟之振厲解駁於穆廟浮陰時翳之會也當時素絲安舄誰之力耶嘉隆相畧二公旌旌乎初升之日矣費文憲抗權倖而折逆藩亦自矯舉調劑以保功名則長者之効耳新鄭剛於信州而立見其敗則文本中道見伐才爲患耳楊文襄捍闔操舍緯有其才張文忠彊直自遂邁於其會正而用之巽而入之何如袁

名臣事略

小識

主

州竊人主之喜怒劇其僭逼荆州操人主之威福珊其用舍而荆州猶能以法劫持天下宜懲墮窳者轉而思矣凡此又宇宙之大變遷治亂之大倚伏善敗之大環轉昔人謂讀書目六經而外莫如讀史史孰森森於是哉雖然彼是莫得其偶綸靡其途隕矣操繩以繩不幾二缶鍾惑耶噫夫相取詔於上衆易幪也關白六曹難不獨承也善用之不見跡而治不則作威守勝而常暗以敗又不然則宋王珪三旨相公之目

本朝康陵時萬歲閣老之嘲矣或弔詭而褒或詭隨而黨衰敗羣黨阿世安在其和國均也夫大臣貴申其志意砥厲道誼爾堯舜君民身親見之管蕭流亞吾姑舍是以稱端不平衡不失明夷而足矣語曰作易者其有憂乎在斯集之野獲耶而非也亦曰庶幾乎史之倪乎而如其筆削以俟君子耳因題曰小識

名臣事略

小識

四

國朝內閣名臣履歷

楊士奇

名遇以字行江西泰和人以博學徵入翰林試策第一官至少傳兵部尚書華蓋殿大學士

楊榮

字勉仁福建建安縣人建文庚辰科進士官至少師工部尚書謹身殿大學士贈

楊溥

字弘濟湖廣石首縣人建文庚辰科進士官至少保禮部尚書兼武英殿大學士贈

李賢

字原德河南鄧州人宣德癸丑科進士官至少保華蓋殿大學士贈太師諡文達

岳正

字季方順天郭縣人正統戊辰科進士官至春坊贊善入閣辦事諱欽州同知陞興化知府

商輅

字弘載浙江淳安縣人正統乙丑科進士官至會殿試俱第一官至少保吏部尚書兼謹身殿大學士贈

彭時

字純道江西吉安府人正統戊辰科進士官至第一官至少保吏部尚書文淵閣大學士

薛瑄

字德溫山西河津縣人永樂辛丑科進士官至禮部左侍郎兼翰林院學士入閣辦事贈

劉健

字希賢河南洛陽縣人天順庚辰科進士官至少師兼太子太師吏

丘濬

部尚書華蓋殿大學士贈太師諡文靖

謝遷

字子喬浙江餘姚縣人成化乙未科進士官至第一官至少傳兼太子太傅戶部尚書謹身殿大學士贈

李東陽

字賓之湖廣茶陵州人天順癸未科進士官至少師兼太子太師吏部尚書華蓋殿大學士贈

王鏊

字濟之直隸吳縣人成化乙未科進士官至第一官至少傳兼太子太傅武英殿大學士贈

楊廷和

字介夫四川新都縣人成化戊戌科進士官至少師吏部尚書華蓋殿大學士贈

蔣冕

字敬之廣西全州人成化丁未科進士官至少傳兼太子太傅戶部尚書謹身殿大學士贈

毛紀

字維之山東掖縣人成化丁未科進士官至少保兼太子太保吏部尚書謹身殿大學士

梁儲

字叔厚廣東順德縣人成化戊戌科進士官至第一官至少師兼太子太師華蓋殿大學士

費宏

字子克江西鉛山縣人成化丁未科進士官至第一官至少師兼太

楊一清	子太師吏部尚書華蓋殿大學士贈太師諡文憲
張孚敬	字應寧雲南安寧州人成化壬辰科進士官至少師兼太子太師吏部尚書華蓋殿大學士
御賜更名孚敬	原名璵字重周浙江永嘉縣人正德辛巳科進士
李時	字宗易直隸任丘縣人弘治壬戌科進士官至少師兼太子太師吏部尚書華蓋殿大學士
呂本	字汝立浙江餘杭縣人嘉靖壬辰科進士官至少師兼太子太師戶部尚書建極殿大學士
徐階	字子升直隸華亭縣人嘉靖癸未科進士官至少師兼太子太師吏部尚書建極殿大學士
嚴訥	字敏卿直隸寧晉縣人嘉靖辛丑科進士官至少師兼太子太師戶部尚書建極殿大學士
馬自強	字體乾陝西同州人嘉靖癸丑科進士官至少師兼太子太師吏部尚書建極殿大學士
李春芳	字子實直隸興化縣人嘉靖丁未科進士官至少師兼太子太師吏部尚書建極殿大學士

高拱	字肅卿河南新鄭縣人嘉靖辛丑科進士官至少師兼太子太師吏部尚書中樞殿大學士
陳以勤	字逸甫四川南充縣人嘉靖辛丑科進士官至少師兼太子太師吏部尚書武英殿大學士
趙貞吉	字孟靜四川內江縣人嘉靖乙未科進士官至少師兼太子太師吏部尚書文淵閣大學士
張居正	字叔大湖廣江陵縣人嘉靖丁未科進士官至少師兼太子太師中樞殿大學士
張四維	字子龍山西蒲州人嘉靖癸丑科進士官至少師兼太子太師吏部尚書中樞殿大學士
申時行	字汝嘿直隸吳縣人嘉靖壬戌科進士官至少師兼太子太師吏部尚書中樞殿大學士
余有丁	字丙仲浙江鄞縣人嘉靖壬戌科進士官至少師兼太子太師戶部尚書建極殿大學士
許國	字維楨直隸欽縣人嘉靖乙丑科進士官至少師兼太子太師吏部尚書建極殿大學士
王錫爵	字元馭直隸太倉州人嘉靖壬戌科進士官至少師兼太子太師吏部尚書建極殿大學士

王家屏

字忠伯山西山陰縣人萬曆甲戌
科進士官至禮部尚書兼東閣大
學士贈少保謚文端

名臣事畧

履歷

五

國朝內閣名臣事畧卷之一目錄

楊文貞公傳錄

詔初卽位事宜草

開經筵疏

楊文敏公狀畧

楊文定公狀畧

李文達公狀畧

論誥勅疏

論散處夷人疏

卷之一目錄

岳文肅公狀畧

商文毅公狀畧

革西廠疏

災異疏

脩德政弭災異疏

邊務疏

乞優容言官疏

國朝內閣名臣事畧卷之一

宣城吳伯與福生父輯

楊文貞傳錄

六年冬 文皇以巡狩北京 詔天下命公視
草 上稱善命與諸尚書觀之兵部尚書劉儁
私語公曰未語一切供給飲食之費皆已有備
不煩于民請以有字易自字公善之衆謂二義
不相遠且 上既稱善不必易公奏曰國家大
體當用儻言 上喜公能服善曰樂從善言則

卷之一

楊文貞傳錄一

何遜敗事遜是益屬意於公明年 車駕巡狩
北京 皇太子監國 上命蹇義金忠黃淮與
公職輔導九年 上還南京一日詔公問曰爾
輔導官久其所行果何如公以孝敬對 上使
言其實對曰凡有事宗廟祭器皆親閱去年將
時亭頭風作醫言當汁 殿下曰汗即不敢滯
祭左右請遣代斥曰 上以命我我 又可乎遂
親祭祭畢汗遍體勿藥病自愈每進御用物皆
躬閱封識而後遣行不敢輕任下人 車駕北

征 殿下不敢寧居恒日中晏始食 駕還而
後能安 上曰此子道當然公曰古聖賢亦皆
盡其當然者且殿下天資高或有過未嘗不知
知之未嘗不速改且存心以愛人爲本將來不
負 陛下付托之重 上悅十二年正旦日食
上問禮部諸臣百官行賀與否尚書呂震曰
日食與朝賀不同時當賀侍郎儀智曰同日宜
免賀公曰日食天變之大者宋仁宗元正日食
富弼請罷宴徹樂呂夷簡不從弼曰萬一契丹

名臣事畧

卷之一

楊文貞傳錄二

行之恐爲中國羞後有自契丹還者言虜是日
罷宴 仁宗深悔之 上曰君子愛人以德士
奇與智言是也遂免賀及宴十四年 上在北
京聞高煦有異志還京欲發其事疑未決獨
召公問曰昨問蹇義漢府事對曰不知若朕未
有知爾輩慮有離間不敢言今朕既知矣爾言
之何害公對曰臣與義事東宮外人無敢對臣
言者但漢王始封國雲南不肯行改青州又不
行今知將徙都北京惟欲留守南京天下皆疑

其心惟 陛下善處之使早有定所全父子之恩爲永世之利 上默然起還宮後數日悉得其反狀及所爲戰具大怒褫其冠帶繫之西華門內東宮力抹解乃免遂命削其兩護衛處之安樂州曰此去北京甚邇卽其作禍可朝發而夕擒也二十二年八月 太宗皇帝北征 上賓學士楊榮歸自行在以聞 仁宗皇帝卽遣皇太孫往迎 梓宮時京兵皆隨征在外城中空虛浮議籍籍慮趙府兵爲變因秘未發喪

皇太孫辭行啓曰出外有封章白事非印識無以防僞 上然之顧意未有所與以問公公言 上所用東宮圖書今聞請暫假之行此一時之權歸卽進納 上卽取付太孫曰啓事以此封識此不久當歸汝汝就留之旣而謂公曰卿言誠是昔 大行臨御儲位久未定浮議喧騰吾今就以付之浮議何繇而興且曰朝廷事卿與蹇義當悉心吾當重用卿二人公曰此淑人心之一機也恩之所及必先扈從征行之

臣如臣兩人不應先及九月癸未禮部尚書呂震言於 上曰今喪服已踰二十七日請如太祖倣漢制易吉服上時未有答震退徧請羣臣明旦釋服從吉公謂震曰今未可比此例蓋洪武中有遺詔且 仁孝皇后崩 太宗皇帝褙服後仍素衣冠絰帶者數月今 上於 皇考可遽卽吉乎震厲聲曰 朝廷事爾每執異尚書蹇義兼取二說明旦君臣皆素衣冠黑角帶遂以聞 上亦未答明旦 上素冠麻衣麻

經出視朝文臣惟學士武臣惟英國公如 上所服罷朝 上諭左右大臣曰呂震昨奏當易服朕聽臣下易之 梓宮在殯吾豈忍易士奇所執是也時天下方面大臣及羣有司皆朝京師兵部尚書李慶言於 上曰民間畜馬者行已散之軍伍尚餘數千請令朝覲官領之少甦民力正官領壯馬佐貳官領牝馬餘領多寡有差太僕苑馬寺歲課其息有虧罰與民同公諫慶忿不納公獨奏曰朝廷求賢任官今乃使養

馬而課責與民同豈貴賢賤畜之意乎明日復奏曰必行此今天下賢者誰復肯仕蓋虧損一馬必責賠償破家產累子孫朝廷何爲負此名於天下後世乎 上許出內批罷其事不報明日公文又言兵部已督朝覲官領馬所領多生駒南人脆弱不能控制立視其奔逸號於道路臣恐將來遠慮者非但不願仕亦無志學問此令之失非小 上曰偶忘之吾當卽批出不奏也午刻 上御思善門召公諭曰內批豈真忘之

名臣事略 卷之一 五 楊文貞錄傳五

朕聞李慶呂震輩皆忿卿朕念卿派立恐爲衆所傷不欲因卿言而罷今有名矣出示一章乃陝西按察使陳智言畜馬不便 命公據此草勅止散馬公頓首言 陛下知臣臣不派矣但馬已領者當何如 上曰已領者准洪武中官負乘馬例不責生息虧損不責償未領者止勿給復謂公曰繼今令有不便惟密與朕言李慶輩不識大體不足語也大理少卿戈謙數言事過於矯激尚書呂震吳中都御史劉觀侍郎吳

廷用等交奏其實直沽名 上頗厭之公進曰謙雖昧於大體蓋亦感恩圖報爾古人有言主聖則臣直惟 陛下容之 上以衆言猶不憚因免謙朝而使視事如故公文又進言曰 陛下有詔求言言不當者不之罪今謙因言取咎朝臣皆以言爲戒且四方朝覲之官咸在豈能盡知謙過失若傳之於遠人將謂 朝廷不能容直言 上惕然曰朕非惡謙言事其言自有過實者卿可以朕心諭衆人公曰此非臣言所當諭當以 璽書開諭可也 上遂命公書勅引過而待謙如初令百官言事毋以謙爲戒繇是天下曉然知 聖德之實 上嘗論科舉之弊公曰科舉惟兼取南北士 上曰北人學問不逮南人公曰長才大器多出北方豈但南人有文可用也 上曰然則將何如公曰試卷例緘其姓名請於外書南北二字如當取百人則南六十北四十南北人才皆入於用矣 上曰北方得進則北方學者亦感發興起往年北士少

名臣事略 卷之一 六 楊文貞錄傳六

自科目進者故怠惰成風卿言良是命與禮部計議以聞議定未上而宮車宴駕宣宗卽位遂行之宣德七年高煦反車駕親征罪人旣得師還尚書陳山來迎見上請乘勢移師彰德襲執趙王則朝廷永無憂矣上疑之以問楊榮榮力贊其決又語蹇義夏原吉二人依違其間榮遂傳旨令公草勅詰趙王公曰事當有辭天地鬼神豈可欺哉今當以何爲辭榮曰令逆黨言實與趙謀卽是矣何患無辭公曰如

名臣事略

卷之一

七

楊文貞錄傳七

此能服人心否乎往見蹇夏反復言不可狀蹇夏曰卽如公言當若何公曰朝廷重尊屬厚待之有疑則嚴防之當必無疑而於國體正矣二人曰上今特信榮言不係吾輩可否也公復見榮曰太宗皇帝惟三子今上惟二叔其有罪者不可恕無罪者當加厚庶幾仰慰皇祖之靈榮意未解曰汝不草勅則吾當以聞時惟楊溥與公意合溥曰吾二人俱請入見明其大義榮先趨入公二人繼之門者不納俄復

召蹇夏以公言白之上不憚而止車駕還京師意大悟不復論彰德事然言者猶喋喋上皆不聽特召公曰論趙王者日益多當如何公對曰今日宗室惟趙王於陛下爲最親當保全之豈可惑羣言上曰吾亦思之

皇考於趙王最友愛且吾惟此一叔奈何不愛今思所以保全之道欲曰羣言示之俾日處公日更得一重書諭之尤好遂遣廣平侯袁容卻御史劉觀持勅書往諭且示以衆言趙王得書喜曰吾生矣卽獻護衛上表謝恩而言者頗息上待趙王日親厚而薄陳山竟踈斥之既久召公諭曰吾待趙叔不失親親之禮爾有力焉賜公白金文綺綈幣二年十月黎利遣人進前安南陳王嫡孫嵩表乞立爲陳氏後辭甚懇切上亦厭兵欲從之大臣有言此黎利之禍當益發兵征之或以爲與之無名徒示弱於天下上召公與榮謀之榮曰永樂中費數萬人命得此至今勞者未息困者未甦因其

請而與之便公曰榮言當從初求立陳氏後者

太宗皇帝之心求之未得乃郡縣其地十數年兵民困於交趾極矣此皆 祖宗之赤子體

祖宗之初心保 祖宗之赤子正 陛下盛

德何謂無名漢棄珠厓前史爲美何謂示弱臣

侍 仁宗皇帝久聖心每憾此事有意外之慮

願 陛下勿疑 上意遂決公又言方面及郡

守請令京官三品以上及布政按察薦舉務取

廉公端厚能爲國爲民者吏部審其可用奏授

名臣事略 卷之一 九 楊文貞公傳十

以官後犯賊罪併坐舉者凡因保舉授官而有

指告其罪者先逮問餘人有驗然後及之庶不

爲小人所誣年來吏員太冗多有昏愚不通請

令六部都察院同考試選擇而用之軍民中有

文學才行卓然出衆智謀才勇精干武畧者亦

宜察舉唐虞之世罰弗及嗣今極刑之家有賢

子弟例不許進用 上曰舜殛鯀用禹聖人至

公之心也今除謀反大逆外其餘犯者子弟有

文學才行並聽舉用時有言方面官及府州正

官專用保舉卽是恩出於下欲如洪武永樂故

事皆令吏部選除 上命公與楊溥議之公等

上疏曰宣德七年以前藩憲二司及府州正官

多不得人百姓受害是以 宣宗皇帝勅令大

臣保舉自茲以後多得其人間有一二非才蓋

緣舉主審察不至亦或實是徇私所司不行糾

舉以致如此大抵 宣宗皇帝求賢養民之心

皆上體 祖宗之心非是有所更改昔堯舜禹

湯文武及我朝 祖宗相承爲政皆有因時損

益之宜 宣宗皇帝臨御之時體 祖宗之心

以行仁民之政者尚多保官乃第一事當時不

聞人有異言多以得人爲喜唐太宗力行仁義

命在京三品以上官舉郡縣守令後來致天下

斗米三錢之效明監在前可無疑也 聖旨所

諭保官則恩出於下竊緣衆臣舉保吏部擇審

其名奏請 聖意允俞然後授官不允卽不得

除授恩實非出於下也近年有等京官無人舉

保造爲謗語專欲隳壞 先帝良法則小人皆